

天
游
閣
集

天游閣集

詩三

太清西林春著

丙申元旦

去年詩債已償還又續今年筆墨緣花散黃金開棣萼

瓶中共棠桃

香凝紫碧

裊松煙文章依舊常精進日月常新任變遷更喜高堂身尙健斑衣兒女拜庭前

鈍宦曰太清是年三十八歲

生日

三十八年日月催年年此日不勝哀弟兄幾處增惆悵朋友多人數往來

是日珊瑚枝雲姜叔蘭素安皆來賀

新歲新詩重起草相逢相賀共銜杯繡簾深護東風煖

繞座桃花無數開

鈍宣曰是正月五日也

題南樓老人魚籃觀音像

稽首慈悲觀世音一籃隨手任升沈
參差碧藻承仙鯉瀟灑風鬟澹素襟
四相本來無我相深心普入衆生心
南樓已證菩提果補紡傳家兩字箴

南樓老人有
補紡小印

上元前一日同夫子攜載釧載初兩兒叔文以文兩女游白雲觀過天寧

寺看花作

出郭尋春何處尋朝陽初上古松林
風前嫩草剛吹綠雪後殘雲半作陰
清淨道中參妙徼步虛聲裏靜塵心
看花紫綬歸途緩耳畔猶聞鐘磬音

鈍宦曰叔文名載通行六以文名載道行七叔文適承恩公崇端

賦得三十六宮都是春集唐詩用清平三調爲起句

雲想衣裳花想容丹鑪猶用紫泥封自然碧洞窺仙境只有高唐十二峯
一枝穠豔露凝香十二樓中盡曉妝西望瑤池降王母衆仙同日咏霓裳
名花傾國兩相歡鶯鶯皇州春色闌日暮漢宮傳蠟燭碧城十二曲欄杆
詩成又題一絕句

沈香亭上謫仙人醉墨揮來任性真一自清平題好句花開三十六宮春
二月十日雨同夫子作

曉起開簾望東南雲勢稠雲時蘇地脈萬點解民憂雨洗花枝潤煙霏柳
帶柔卽看春意足細麥秀皇州

花朝後一日作

半春愁不雨風信失芳菲
冷霧欺花萼浮雲障日輝
何曾因酒債亦可典朝衣
綠徧西山草相將共采薇

春游 花朝後同夫子攜兒女宿潭柘十二年前曾侍先夫人游今日重
來山徑猶然人事殊昔昔日從者竟無一人得不感哉遂賦五言三章
十二年前路重來景尙同人非當日伴花著舊時紅澹綠雲中樹高寒嶺
上風深深潭柘寺修竹隱 離宮

碧嶂接青霞山陰日影斜
虛亭繞流水佛殿養靈蛇
銀杏將生葉辛夷已放花
憑闌同一望半爲暮雲遮

晚借禪房宿吟詩對酒缸
松濤深入夢山月冷侵窗
夜靜聞天語

寺中南樓有

密祖即昔經聲
夜靜聞天語

燈昏暗佛幢粥魚催客起塵慮澹能降

鈍宦日聞太清游西山馬上彈鐵琵琶手白如玉琵琶黑如墨見者謂
是一幅王嬙出塞圖也

二十日游戒壇晚宿南谷

曉起出叢林嵐光深復深放懷同策馬悅耳雜鳴禽法座仍如昔 行宮

久不臨循碑瞻

御翰得見

聖人心

寺有
高宗詩碑

二十一日清風閑曉望

兩度來南谷佳城碧樹環鳥聲驚夢醒雲彩共人閒高閣延朝日晨妝對
遠山新煙出村落花木認般般

二十四日同夫子聯騎渡慈溪游萬佛堂觀孔水得開元石刻一吳郡盧

襄詩碣一遂以十金易於山僧載歸而大歷碑已不復覩矣

風雨杏花稀殘英沒馬蹄襄糧探古蹟聯轡渡慈溪陰洞投龍壁

碑記開元遺呂

慎盈三投龍壁於此淵

高碑失舊題歸途逐流水荇藻碧萋萋

鈍宣曰太素詩所謂虛襄詩與開元碣許我相攜出翠微也

二十六日登東坡

昨日經過處

昨日游車爾營路曲村陋無詩

登高望杳茫梨花千樹雪春草滿山香畫棟

新妝閑荒臺舊法堂

毀天台寺作清風閣

欣欣幽谷裏百鳥奏笙簧

二十七日登清風閣後西北最高峯

步上最高峯巉巖小徑通陰崖飛異鳥絕壁走愁童

童子殿八能援峭壁采山花

山豁

東南澗花光西北豐登臨渺下界目斷四天空

二十八日午發南谷晚宿雲岡

歸騎宿雲岡東風到海棠老僧成壞塔過客坐禪房官路聞鳴鐸春衣怯

嫩涼故人書屢至相譴問梅裝

十日雨得雲夢書中途又接叔蘭書因予廿一墜馬故書中有梅裝之語

二十九日雨中曉發南岡

好雨及時耕煙村畫不成桃花何豔冶楊柳太輕盈雲起萬山失天開大

水橫東風晴未穩一路聽鳩鳴

游孔水用吳郡盧襄石刻詩韻

溪去山樓凡七里平坦不煩折屐齒下有泉源上石堂萬佛妙相參差倚
青苔亘古不見日森森濃綠疑無始龍泉古壁何年失虎尾春冰豈可履
夕陰水鳥上漁梁倒映山容碧灘險人生行樂須及時花外光陰去如矢

開元殘碑嵌絕壁幸得盧襄刻詩紀出山一路又看山二水合流成漫水
名水馬耳東風拂面香鴛鴦屬玉驚人起歸塗借問今何時梨花桃花纔結
子渺渺春波萬古閒悠悠天地長如此借隱何辭挽鹿車雲水遨遊勝朝
市

三月晦日同夫子游黑龍潭至大覺寺路經畫眉山

城西百里多名勝知樂無過山水間指點黑龍潭對面一痕蛾綠畫眉山
夜行翠微山麓遂宿龍泉庵

籃輿一徑入雲深兩兩明燈過樹林吹面不嫌山氣冷滿天星斗壓春岑
次日游秘魔巖

探幽曉入秘魔巖澗草巖花萬木攙石磴迢迢接霄漢法雲靄靄護經函

歸路過靈光寺看古藤老檜

靈光山寺鎮南坡千載靈光秘不磨滿院蒼煙濃蔽日長藤老檜互交柯
畫眉石次夫子韻

春波黯黯春山碧千古風流一片石車馬閒游送暮春清和首夏逢初一
明昌盛時四海通太平交聘徠蠻戎可憐山色青如許猶似雙鸞對鏡中

金明昌時宮
中多取用之

四月三曰白雲觀看道場作

招飈霓旌幡影長蒼松深護古壇場全真大道傳中極太素輕煙發上方
宇宙不關閉甲子水雲聊可混行藏冥冥丹竈初開火紫氣朝元守一陽
歲丙戌夫子游房山得山水小軸甲午同題丙申夏偶檢圖書又互次前

韻各成二首

世間歲月去堂堂紅日西馳影下廊瀟灑雲山高士樂太平章句道人狂
披圖共話十年事好景終歸一卷藏近水遙峯看不盡蓬萊應在海東方
水搖素練浮清泚山送嵐光索好詩遞世與人無不可放懷隨處總相宜
妙音入耳飛雲瀑翠壁當門老檜枝更有青童侍左右玉笙吹到夜涼時
續讀石畫詩十八首同夫子作

春山如笑原非笑絕似紅顏欲笑時澹冶煙光動游興不涼不熱最相宜
春山澹
冶如笑

猶記嚴江兩度游一逢三月一深秋畫中夏景今方見萬壑千岩翠欲流

夏山蒼
翠欲滴

嫩涼天氣變輕寒雨霽羣峯翠黛寬總說如妝猶未似好山原不爲人看

秋山明淨如妝

兩岸青山人穩睡一江寒水雪初消畫師好手真難得咫尺圖成萬里遙

多山慘淡如睡

一棹春波去路深夕陽又下碧山岑重來縱有漁郎問滿澗桃花無處尋

桃花源圖

燦爛雲霞蒸海氣迷漫梅柳迓春端渡江此景尤宜曙鳥語人聲一倍歡

雲霞出海曙梅柳渡江春卽安石東山之背也

雲輕日靜天如洗一瓣心香古佛龕梔子花開清夢醒綠蕉低護水晶簾

蕉林天影

潮生潮落洗沙痕野水初消老樹根滿載清風好歸去酒帘遙指夕陽村

秋溪歸棹
用蘇詩韻

雪後園林花更肥雪晴雲澹月光微美人深夜來何處花有清香月有輝

梅影用
相公韻

濛濛煙樹指東吳楚客西來帆影孤寒雨一江人半醉篷窗臥聽枕冰壺

寒雨連江
用原詩韻

平生留意好峯巒願得將身住此間看到黃昏雲乍起冷煙殘照暗秋山

秋山
韋鶴

漫漫春水漲波痕兩岸餘霞水氣吞應有漁人深樹裏小舟雙槳出桃源

桃源
圖

千年流水韻淙淙萬朵芙蓉簇錦江
一自高唐人去後至今猶見彩雲降

彩雲
錦浪

風緊雲陰胡不歸遠村尚有幾斜暉
晚來莫戀秋光好請看柴門倦鳥飛

鳥倦飛
而知還

晚山相對碧沈沈雲起輕煙漸作陰
驟雨飄風不終日白衣蒼狗本無心

雲無心
以出岫

碧城林麓雲中樹金雀觚稜江上山
瘦不能增肥不減特將妝飾傲煙鬟

金碧沒
骨山

疎雨含煙合翠流遠山如畫黛眉脩
何時得遂雲霞志獨立高峯最上頭

翠峯
疎雨

冷雲飛過一層層雨洗羣山結綠冰總說石頭滑不穩山無盡處有人登

厨山
煙雨

自題梅花便面

風帷小影抱寒梅忽訝低枝近水開不許飛花驚鶴夢月明人逐暗香來
四月十三日聽坤鶴老人說天仙戒是日雷雨大作旆旆霑溼口占一絕
句紀之

太乙真人坐玉臺雲璈聲動衆仙排電光一掣挾飛雨應是神龍聽法來
夏日城東泛舟歸來有作

卅年不到城東去雲水空濛接遠天野岸新蟬鳴偶爾山門枯木尙依然
已非昔日僧迎客猶記當初柳繫船一路薰風吹酒醒重城西望隔蒼煙

夏至同夫子登天游閣

至日登樓有所思連年亢旱奈何斯滿天赤日蜩聲急五段紅欄燕影遲
西嶺浮塵難作雨東鄰老樹半枯枝總然殿閣無炎熱更願滂沱早及時
苦旱用王摩詰苦熱韻

連年苦雨少祈雨徧山嶽麥苗不及尺井泉半乾涸久旱望雲生雲生亦
輕薄何況多病身所思惟浣濯仰看飛鳥稀黃塵塞寥廓苦熱欲飲冰奈
茲河水濁爲善可迴天人心苦難覺兒女不知愁尙作馳趨樂

五月二十三夜作

臥聽車聲似遠雷風枝彷彿雨相催欣然自起推窗看依舊明星照夜來
六月十三日游善果寺同夫子作

毘盧高閣隱青霞老檜千尋特屈拏
遶座飯香僧過午一聲鐘定客留茶
靈風乍滿胡桃葉妙色將開紅藕花
行盡迴廊看聖蹟如來法界本無涯
寂寂禪房淨初來得勝游妙蓮華色
好多寶塔光幽今古原無住身心任
去留鳴蟬當雨後涼意報先秋

栽竹

買將修竹對窗栽一徑濃陰護薜苔
其奈到秋仍缺雨可憐終夜但聞雷
嫩梢刺眼搖青旆膩粉沾衣脫紫萸
更望凌雲千萬尺九苞能引鳳凰來
六月二十七夜坐口占

小坐閒階下啾啾宿鳥驚
草根凝暗露竹影澹孤檠
半夜人聲靜雙星河
鼓橫携燈尋夜色涼在豆花棚

中元次夫子韻

秋原聞說飽秋霖卽見青蒿知雨深
桂子荷花多似舊西風涼月又如今
然燈偶逐兒童戲玩世頗工長短吟
好景莫辭清夜飲遶階蟲語任浮沈
中秋後一日同夫子往南谷宿清風閣

西風原上草離離百里高空一望之
滿澗黃花開瑣碎半秋清露潤丰姿
碧山待我有今日好景娛人須及時
夢醒西窗殘月影枕邊移過老松枝
十七日雨中游雲居寺房山縣早飯

蕭蕭疎雨趁行程山草山花夾道生
小縣寒烟成密羃野雲高嶺不分明
石頭路接西來路流水聲參念佛聲
松下清齋留信宿夜深蟲語近燈檠
十八日午晴尋西城水源是夜又雨

行盡山村問水源源頭齒齒亂流喧盤陀坐久渾忘去忽見西南山又昏
十九日曉晴回南谷車中作

日出新晴秋草香陰崖寒露漸爲霜幾家茅屋沿山住一陣西風刮面涼
細水流沙清灩潏野花村婦澹梳妝多情最是溪邊柳送客依依過短崗
二十日訪背陰洞題壁

山窮忽有路騎馬入天台仙犬迎人吠幽花背日開風吹雙翠袖霧冷古
蒼苔不見元都客留題擬再來

是日道士他出

二十一日尋視田園疆界晚歸

秋蔬晚飯又登臨高下田園策馬尋柿葉半紅梨葉赤遠山夕照近山陰
待交寒露風吹帽未到重陽菊可簪翹首暮雲飛畫棟一樓燈火隱深林

二十二日回京早飯雲崗村

三度雲岡信有緣
山僧蔬筍意欣然
海棠不似春來日
憔悴西風最可憐
題自畫菊花寄古春軒老人

夢遶吳山路淒淒
秋夜長西風初過雁
黃菊又經霜
畫意傳千里詩懷各一方
遠書頻寄我襟袖有餘香

次夫子對菊韻

霜重高樓曉更寒
起來殘月隔窗看
人生百歲尋常過
詩到中年漸可觀
老筆隨心殊豔冶
時妝刺眼費鉛丹
欲將花樣圖於壁
夢逐西風遶翠櫺
聞雲姜定於明春九日南旋賦此

兩載交情千古深
聞君欲去悵分襟
雖當正月風光好
尙恐長途冰雪侵

從此相思勞遠夢頻將書信慰予心來年願訂歸期早腸斷陽關一曲琴

鈍宦日時芸臺相國予告歸揚州也

至日

一年節候又冬至無雪多風過半冬青瑣窗深殘菊在紅珠帳煖曉妝慵
近來兒女爲身累老去精神似病容世事茫茫催臘盡不煩葭管應黃鐘
臘月十三日雪中天寧寺看唐花且邀後日諸姊妹同賞

零冰飛絮下瑤臺搓粉西山似玉培好景不辭今日飲唐花能見幾回開
碧桃小盞參秋菊修竹深叢間老梅遙憶城南諸姊妹相邀雪後一同來
十五日雪後同珊枝素安雲林雲姜紉蘭佩吉天寧寺看西山積雪卽席

次雲林韻

西山積雪爲誰妍洞裏花光春浩然又被夕陽催客去微風颺雪送歸鞭

鈍宦曰雲林卽雲姜之姊陳左海撰周生許君墓志銘云長女適原任

監察御史孫球公子承勳卽雲林也 又曰太清題曇影夢痕圖詩爲

孫靜蘭作靜蘭爲雲姜之甥卽雲林之女也 又曰會稽潘素心撰梁

楚生恭人古春軒詩序云恭人有女公子二一適孫上舍承勳一適阮

部郎福皆僑居京師與余家往來最契 又曰佩吉能鼓琴仁和許氏

之女甥見許玉年大令乃毅瑞芍軒詩注

歲暮寄仲兄用東坡和子由苦寒見寄韻

雪後北風起歲暮臨新年言念客中人何日方當還旅食恐不周多病凋

豐顏一月兩寄書一書五六篇告我客中事略有好因緣縣令與之游我

聞心喜歡吾兄本書生所餘惟青氈明哲貴保身思退慎進前出處各有
時請看墀與壩樂道毋憂貧仰不愧於天且待春風至萬物同新鮮寄以
敝狐裘副以蒼玉鐙翹首望南雲新雁將北旋

歲暮寄雲林城南兼送雲姜

昨聞婢子言知君抱微恙思君不得見寸心時快快奈茲歲云暮年事多
主張又聞遠行人籠箱理帷帳去去不能留悠悠空悵望時遇早春來條
風扇和暢弱柳垂新條煙絲散晴曠綠水融堅冰征車好南向相與送將
歸陽關不忍唱

除夕立春

爆竹聲中報立春辛盤柏酒味清醇醉眠且作今宵夢明日一番風物新

天游閣集卷第三畢

溫語樓校字

天游閣集

詩四

太清西林春著

鈍宦曰天游閣詩闕第四一卷蓋皆丁酉一年所作而卷五篇頁特多析爲二卷以符原數其第四卷不知尙在人間否

戊戌元日

新歲日逢甲乾坤天地清條風扇和氣化日煦春晴節候一元始鶯花萬象更亦知爲善樂所以貴吾生

鈍宦曰太清是年四十歲太素卽以是年卒余詩所謂四十文君儻白頭也

四十初度

百感中來不自由，思親此日淚空流。
雁行隔歲無消息，詩卷經年富唱酬。
過眼韶華成逝水，驚心人事等浮漚。
那堪更憶兒時候，陳跡東風有夢不
上元後一日恭祝夫子四十壽

八十平分賦好春

予與夫子同生於己未

花燈壽畢又更新，萬言詩句垂千古。一氣

洪濛合大鈞，鶴算長天開絳帳。鹿鳴小雅宴嘉賓，爲屏樂善無餘事。且放
笙歌醉月輪

往香山訪家霞仙妹作

春日欣人意，侵晨出郭門。東風吹宿夢，西嶺上朝暾。
刺眼看新柳，留心認野村。思君何謂遠，里數不須論。

以詩代柬答紱蘭兼謝見寄杭米百合

故人怪我寄書遲，無奈年來病不支。
把筆難酬千里信，看花已過半春時。
相思有夢分明寫，莫逆於心各自知。
百合香杭勞遠贈，玉泉同煮滑流匙。
謝選樓老人見贈自書梅花詩扇卽次其韻

老年作字見精神，演省風光記特真。
首出羣芳開庶物，香生妙筆寫花身。
冰姿早帶和羹味，玉骨先傳破臘春。
我欲題詩愧前輩，清涼深感選樓人。
六月九日邀雲林湘佩尺五莊看荷花座中次湘佩前遊韻

冷香豔色自泠泠，曉日籠煙樹影長。
宿露未乾苔徑滑，虛亭四面水風涼。
花間清露倚誰收，菡萏欹紅態更幽。
荇藻參差流不定，權將水榭作蘭舟。
重見蓮花又一年，臨池難貌水中仙。
惜花姊妹憐花色，花也憐人竟不然。
城南韋杜近豐臺，爲看荷花一早來。
花好尙如前度色，愧余不是寫花才。

三才圖會 卷之八
○ 二
鈍宦曰湘佩姓沈名寶善錢塘人武陵雲妻著有鴻雪樓詩見兩浙輶
軒續錄 又曰湘佩有閨閣詞話錄太清詞五首

聞珊枝棄世賦詩遙輓

傳聞乍聽驚心魄復又沈思雜信疑遠道故多言錯誤衰顏久已病支離
去年別我秋風裏今日哭君春雨時舊句未知曾見否此生真箇會無期

予去冬曾寄詩云也知欲見
真無日水遠山長盡此生

鈍宦曰珊枝歿於杭州也

四月十一日白雲觀聽張坤鶴老人說元都律

白雲深處啟丹扉羽葆霓旌耀日輝清淨道中元鶴降步虛聲裏落花飛
諸天護法損之益八卦成爻妙以微借問遊人何所得香塵一路澹忘歸

輓大姑宮察縣君

命盡力難挽殘燈照病容寶釵雲髻亂素手玉環鬆白骨無兒殮朱棺有弟封落花何促迫飄絮太惺忪一旦遂長往從今不再逢

同雲林湘佩游尺五莊懷紉蘭作

韋杜城南近水濱花田菜圃淨無塵煙開夏木逢新雨香滿池蓮憶故人
千里關心應念念舊遊迴首記眞眞碧筒且盡今朝醉斜日鳴蟬送畫輪
鈍宦曰紉蘭時客大梁也

伏日同雲林湘佩尺五莊看荷花過三官廟見桂花已開冷煖相催氣候
無準向來北方此二種多不能同時正所謂十里荷花三秋桂子者也
歸來賦詩紀之

細路通蕭寺同人載酒來交深忘檢束詩好費徘徊金粟先秋吐紅蓮冒日開炎涼隨氣候何必更疑猜

自先夫子薨逝後意不爲詩多窗檢點遺藁卷中詩多唱和觸目感懷結習難忘遂賦數字非敢有所怨聊記予生之不幸也兼示釗初兩兒

昏昏天欲雪固鑑坐南榮開卷讀遺編痛極不成聲況此衰病身淚多眼不明仙人自登仙飄然歸玉京有兒性癡頑有女年尙嬰斗粟與尺布有所不能行陋巷數椽屋時在西城養馬營賃房數間暫居何異空谷情嗚嗚兒女啼哀哀搖心旌幾欲殉泉下此身不敢輕賤妾豈自惜爲君教兒成

鈍宦曰太素死而家難作矣斗粟尺布殆起於兄弟之間不相容乎

七月七日先夫子棄世十月二十八日奉堂上命攜釗初兩兒叔文以文

兩女移居邸外無所棲遲賣金鳳釵購得住宅一區賦詩以紀之

仙人已化雲間鶴華表何年一再回亡肉含冤誰代雪牽蘿補屋自應該

已看鳳翅凌風去剩有花光照眼來

此宅庭中
新築最多

兀坐不堪思往事九迴腸

斷寸心哀

鈍宦曰堂上者榮恪郡王之福晉也 又曰前漢書蒯通傳里婦夜亡

肉姑以爲盜怒而逐之婦晨去過所善諸母語以事而謝之里母曰女

安行我今令而家迫女矣卽束緼請火於亡肉家曰昨暮犬得肉爭鬪

相殺請火治之亡肉家遽追呼其婦詩中亡肉含冤卽使其事

許演生司寇六兄見贈銀魚螃蟹詩以致謝

歲暮又新年東風解凍天門庭無客至盤合感兄憐白酒持雙蟹銀絲脰

小鮮高懷叨屢贈相報有詩箋

己亥生日哭先夫子

虛室東風冷幽居瀉淚泉去年同宴樂此日隔人天生死原如幻浮休豈望仙斷腸空有恨難寄到君前

鈍宣曰太清是年四十一歲

己亥清明率載釗恭謁先夫子園寢痛成一律

入谷惟聞春草馨蒼蒼松檜護佳城林泉已遂高人志俎豆難陳寡婦情
近日憂勞成疾病經年魂夢卻分明傷心怕對閒花柳淚灑東風不欲生

新筭

人家種竹新解籜我家竹葉夏乃落只因好雨不及時惱人兩月黃蠶惡

不雨頻加灌溉功小園井水爲之涸昨日飯後遶林看枝間新葉舒仍弱
今早兒童報我知初生新筍尖如削惟願來年筍滿林良友來時堪大嚼
題先夫子雷泉歌卷後

震曰雷兮震我槐猛風驟雨霎時來電光尙記當年事詩卷空增此日哀
歎我真成薄命者思君豈止濟川才可憐千尺雷泉水賸有拳拳土一堆

此泉爲長子
載鈞填平

西門浚井憶當年得意新詩歌六篇泉水於今成廢地主人去歲已登仙
篆書幸有門人守空井徒爲世子填我欲題詩倍惆悵模糊病眼淚絲懸
鈍宦曰載鈞襲固山貝子

七月七日先夫子小祥率兒女恭謁南谷痛成一律

陰陰山影下斜陽慘慘風吹縞袂涼遶墓諸雛啼血淚斷腸寡婦奠椒漿
期年已改先人道妝閣權爲選佛場未必九泉無見識料應回首也悲傷
平安精舍大槐宮碎瓦零甓滿目中將犢牛羊行曲徑成羣驟馬踐芳叢
流傳賸有當年句治造徒勞五載工此景此情言不盡寒蟬老樹哭西風
南谷丙舍有大安山堂霽雲館清風閣紅葉庵大槐宮平安精舍皆夫子
度其山勢因其樹木而構之及闌干窗櫺皆自畫圖而製並題額賦詩予
每從游皆宿於青風閣今大槐宮平安精舍盡爲
長子穀鈞所毀且延香僧在清風閣作法以祓除

同雲林攜釧兒游萬柳堂拈花寺騎馬過夕照寺得四絕句聊以紀游

驅車爲趁曉風涼問路尋來萬柳堂指點舊遊都不是且從人世看滄桑
文昌閣對 御書樓古寺蕭條動客愁老衲逢人頻乞米拈花一笑再來
遊

雞冠夾路看花田此地重來三十年夕照涼風同策馬亂蟬聲裏拂吟鞭

城東多種雞冠花

幾處高原多種麻棗枝低護野人家傷心不見當年柳勝事猶傳解語花
秋日紅雨軒獨坐偶閱清園閣集卽用卷中秋容軒韻成此三絕句

白露初交八月朔支離瘦骨怯西風豆花斜日疎窗影涼在秋菰小圃中
柴門籬落蔓牽牛風動殘荷晚更幽把卷焚香成獨坐桂花初綻幾分秋
假山當戶兩三峯修竹新梢未滿叢流水遶階半弓地幽花幾朵一簾風
中秋後一日同雲林湘佩家霞仙雨中遊八寶山晚晴湘佩先歸予同雲林
聯轡送霞仙回香山留宿延青草閣知己談心人生樂事卽次雲林
韻成此一律以紀之

高原禾黍晚煙籠雨後羣山溼氣濛草閣暗霏秋露白西窗同翦蠟燈紅
照人明月雲初淨勸客深杯夜已中信宿來朝又歸去涼風一路送青驄

秋柳

社課

綠挂寒煙柳萬條斷魂涼夜倚誰招依依自顧經霜影楚楚空憐照水腰
落葉哀蟬千里夢曉風殘月五更潮難禁最是瀟瀟雨冷到紅闌第幾橋
雲林以衍波箋小卷囑題卽次卷中伯芳韻

小院霏煙畫掩門西風蟋蟀又登盆短叢漠漠愁
魂弱縷依依罨柳魂

潤逼琴絃連夜雨涼生荷葉帶秋痕索題欲作蠅頭楷自笑年來老眼昏
尋遼后梳妝樓故址

社課

聞說梳妝舊有臺斷煙殘照不勝哀一抔荒土傳今古六翟秋風化草萊

鏡舞青鸞容易去花飛寶釧等閒開遺編難攷當年事且向居民問訛來
喜雨

京都十月連陰少檐溜當風瀉碧流已見甘霖承瑞兆待看秀色滿皇州
小窗一夜聽冬雨大地來年報麥秋從此不須愁米貴生民飽食復何憂
賦得雲水光中洗眼來

一望蒼茫界涵光萬象開野雲浮靄澹澄水澹濛濛淨也乾坤眼淵乎方
寸臺泊舟臨極浦邀客引深杯細露沾衣乍清輝吐月纔天空鴻雁遠風
靜白鷗來智樂惟仁者忘機卽聖哉憑虛何所住步履接三台

憶西湖早梅

社課

十月早傳春信早孤山有夢路迢迢遙知畫舸經行處香度微風過短橋

紅葉 社課

妝點疎林入畫工斜陽碎影照丹楓行霜青女憐秋澹也效春花作豔紅

冰床 社課

地閉堅冰結沿河喚渡聲移牀難就寢敷座可登程搖曳肩頭穩馳趨鏡面平長繩隨宛轉淺轍印縱橫何用凌波襪非關逐浪鯨兩隄枯草木一路碾瑤瓊要在防阬坎還須認陷傾東風融泮後君子慎其行

煖炕 社課

人力勝天力炎涼竟可移煖融陽燧火煙靄蚩尤旗能使花盈座何妨冰滿池綺窗晴展畫紅燭夜敲棋細細重裯穩深深繡幕垂不須金鼎炭遠過綠熊皮亦有奔馳者難辭風雪吹晏安誠所謂天道豈無私

庚子生日哭先夫子

四十二年如夢過東風煖日又新春半生勞碌憑誰話兩字浮休寄此身
觀化暫能忘俗累餐書或可療清貧九泉寄語須相待獨坐挑燈淚滿巾
鈍宣曰太清是年四十二歲

春陰無聊適屏山使童子以素馨辛夷見贈附有佳句謹依來韻申謝
將近清明寒不減妙香素質鬪芳春道人短髮羞簪取辜負冰姿謝主人
鈍宣曰屏山姓項錢塘人許溟生尙書之妻也善畫梁楚生有題族姪
婦項屏山女史畫花卉卷一詩見古春軒詩鈔

清明前一日率五兒載釧八兒載初宿清風閣夜話有感

碧草青山常不改柳煙杏火古猶今魂能化鶴留仙跡夢可通神寄好音

萬事無如兒子孝百年空費道人心挑燈共話當年事悲憤相兼淚滿襟
當初夫子欲爲百年計南谷一切花木果蔬及牛欄豕棚數目皆有詩見
明善堂流水編第十五卷今一旦爲長子載鈞貸出每年祇得租錢六十
餘千予非揚彼之不孝實爲天下之爲子孫計者勸

鈍宦曰太素總集名明善堂分其詩曰流水編詞曰南谷樵唱凡八冊
又曰載鈞襲貝子後無子其嗣子名溥楣襲奉恩鎮國公

紉蘭寄到闔家共賦春生詩數十首且約同賦遂用元微之原韻僅成十
章以詩代柬

何處春生早春生柳色中燕來十日社

二月十七社

花過幾番風紅杏離宮豔

玉泉新水融燈前開遠信珠玉粲芳叢

是日自香山歸
來得接此書

何處春生早春生天地中夢魂隨汴水音問寄東風告我家庭宴知君樂

事融龍孫迎燕喜新葉茂叢叢

書中以長媳懷孕相告

鈍宦曰叙蘭子名牒

何處春生早春生講席中分題新節令合式古人風註易參尼父談經羨

馬融傳家有賢子玉樹況成叢

上星湖先生謂子萬昆仲

何處春生早春生畫閣中高懷知樂知雅韻風和風綠醅椒花煖紅燈寶

燄融遙知傳壽畢斑彩戲花叢

何處春生早春生雁字中一行衝碧落萬里御長風豈爲稻粱計因知節

序融翱翔有同好類聚自相叢

何處春生早春生几硯中勉成新句讀敢廢舊家風把卷愁能破敲詩興

自融懷人千里外應念舊時叢

何處春生早春生小院中柳纔飄弱線花已破條風簾額停雲膩房櫳曉
日融烏啼催夢醒綠上海棠叢

何處春生早春生園圃中草根肥宿雨榆莢落輕風舊架朱藤繞新池碧
水融階前無隙地花木各成叢

何處春生早春生憶念中舊遊懷舊雨新句慕新風魚也清心切冰兮熱

意融

謂魚聽軒誦冰
室阮錢兩妹

不知更何日重聚昔年叢

何處春生早春生尺牘中同心寫素質空谷散清風紙扇傳情遠香囊著
體融計程書到日應翦牡丹叢

自題畫扇寄紉蘭

悵望相思千里隔暮春欣展早春詩道人欲報慚無物空谷幽香寄一枝

女游仙 社課

筠簾竹杖泛仙槎探過蟠桃第幾花行到中央迴首望水波雲影澹朝霞
鬢影衣香不染塵雲章一簡墨痕新臨池細蘸芙蓉露自寫丹書拜玉眞
七襄裙幅束纖腰裊裊冷風顫翠翹鬪草歸來邀女伴蓮華峯頂看春潮
瓊漿小飲玉顏酡笑撚花枝倚樹歌長唳一聲天外鶴松蒼蒼處五雲多
雲窗霧閣坐吹笙風送仙音出玉京聽到月明清露下落花香度步虛聲
人在瑤樓不捲簾羽衣輕軟鬢眉纖飛泉倒瀉銀河水十二闌干月一匳
紅燈笑翦夜敲棋玉局彈來故故遲不管人間閒甲子落花飛絮任風吹
風滿靈旗翠袖寒洞開金碧走青鸞惜花不作愁春夢消受虛無天地寬
錢塘陳叟字雲伯者以仙人自居著有碧城仙館詞鈔中多綺語更有碧

城女弟子十餘人代爲吹噓去秋曾託雲林以蓮花筏一卷墨二錠見贈予因鄙其爲人避而不受今見彼寄雲林信中有西林太清題其春明新詠一律並自和原韻一律此事殊屬荒唐尤覺可笑不知彼太清此太清是一是二遂用其韻以記其事

含沙小技太玲瓏野鷺安知濕雪鴻綺語永沈黑闇獄庸夫空望上清宮
碧城行列羞添我人海從來鄙此公任爾亂言成一笑浮雲不礙日光紅
鈍宦曰太清曾託許雲林索汪允莊夫人題其聽雪小像允莊效花蕊
宮詞體爲八絕句報之見自然好學齋詩鈔允莊雲林表姊而雲伯之
子婦也此詩乃痛詆雲伯何耶余藏雲伯頤道堂詩僅十九卷非足本
也十九卷中無春明新詠一首俟續攷 又曰雲伯處處摹仿隨園裝

腔作調到老不脫脂粉之氣實實可詆

四月八日同屏山雲林湘佩家霞仙游翠微山次湘佩韻

問水登山幾度臨
壯游聊可散煩襟
千巖蒼翠疑風雨
萬木婆娑認淺深
略約斜通石路曲
遠村遙指夕陽沈
沈相期更約看紅葉
敢負同來此日心
四月十四日同家少峰兄霞仙妹攜釧初兩兒游八寶山以首夏猶清和爲韻成此五律

相邀侵曉出城門
軟草平沙信馬走
飛絮輕沾過客衣
野花香插村姑首
峻嶒山影不分明
欸段游韁互前後
山閣憑虛眼界寬
放懷同醉瓶中酒
爲愛西山幾度來
良辰況是多閒暇
清泉慢引舊田畦
細浪平翻新耙耜
紅雨輕飛已送春
綠陰乍滿宜初夏
道人餉客意殷勤
白酒特從村店貰

森森夏木聽鳴鳩日影微陰樹影稠覽勝欲窮千里目登高更上一層樓
野蔬村酒同兄弟快馬輕車共侶儔去歲中秋曾過此青山無恙古今猶
曉日籠陰午日晴近山雲斂遠山清憑凌院宇神仙界澹蕩風光客子情
花發千巖攢錦繡鳥和百籟聽簫笙年來不減登臨興收拾煙霞過此生
春衣未換尚清和薄醉驅車許放歌玉勒任教穿老樹朱輪不惜碾輕莎
暮雲城郭遵歸路落日羊牛欲下坡借問到家時早晚閒階已是月明多
鈍宣曰前卷所稱仲兄當卽少峰也

先夫子大祥率釗初兩兄叔文以文兩女恭謁南谷

七夕携兒冒暑來驅車一路寸心哀諸侯園寢無官守丙舍廊廡任草堆

素壁長歌君自寫

清風閣壁間有夫子題句

紅棠雙樹我親栽

錦雲館階下海棠乙未年手種

人間

限滿歸泉下他日同遊亦快哉

七月二十一日南谷守兵報寶頂爲山水傾陷當初設立護衛一員辦理
山田事務自載鈞承襲後撤回惟留兵丁五人而已今伊所信用者多
負販廚役等賞賜無節皆諂媚小人不諳大事雖有舊臣數人畧有規
諫者輕則罰俸重則斥革終日昏昏惑於羣小故祭祀籩豆之事置之
不問無奈釗初兩兒皆在幼年而衣食尙不給況於修葺乎思量及此
五內焦灼得不痛哉

英雄事業文章傑有子緣何太不仁名器多歸竈下養恩情不及墓中人
佳城半爲秋霖陷木主常於野獸鄰聞報此言腸寸斷欲興匠作奈兒貧
伏日雨後訪富察蕊仙夫人華尊留飲歸來夜已中矣賦此致謝

初交彷彿舊相識林下家風異俗流堆案圖書妝閣靜緣階花木小庭幽
煙籠老樹青如滴雨洗濃苔翠欲浮賓主不拘忘檢束敢辭一飲醉方休
不畏泥途夏日長蕊仙留客具壺觴屏除世態推君雅簡慢人情恕我狂
大論夫人知武略因定海縣失守是日細論情形慧心婢子解文章蕊仙命侍兒蘊珠安
車一路歸來晚細露霑衣作嫩涼

八月十二日病中口占

楊柳空濛雨萬絲小庭積水蕩漣漪經旬臥病強扶起隱几南窗坐片時
賦得楊柳牆頭數點山

爽氣明西嶺羣峯儼若環一泓澄碧水數點聳秋山屋角供遊賞牆頭作
意閒新妝經雨後飛鳥帶雲還霽色開千仞輕煙澹幾彎良時添畫本清

影落檐間蠟屐隨留去扶筇任往攀太平無事日仁智樂 天顏

重陽前二日釗初兩兒同石介孫先生

元珪

過天甯寺訪菊且有九日登

高之約用次原韻

七日先吟九日詞東籬消息漫勞思涼風釀雨愁花信秋涼連陰累圃師

今秋連雨經旬至重陽菊未作花

寂寂重陽忙裏過匆匆寸晷暗中移最憐辜負閒罇酒

元亮當年知不知

滿城風雨竟難瞋應賞花神懶是真已負寒香籬下句尙勞蝴蝶夢中身
觀生觀化無窮理成佛成仙有數人花早花遲歸一笑任教素魄換紅輪
佳章示我粲虹霓欲和霜毫信手提敢謂工詩慚草率豈能格物愧無稽
黃花亦可隨時放白酒何妨到處携侍座更須遣兒輩登高直過玉峯西

八寶山在五
泉山西南

庚子鄉試子萬舉孝廉寄賀紉蘭兼以經綸圖贈之

一軸經綸贈畫圖青燈十載苦功夫文昌天榜分明註試問深閨有夢無
篆法冰斯到處聞彩鸞應許是前身明年翰苑頒雲誥不負糟糠寫韻人

紉蘭竹筴篆字
以助子萬讀我

與君相別三年矣汴水燕山事不齊最喜重逢知有日題詩先賀孝廉妻
鍾宦曰子萬舉孝廉尋卒記事續稿有告亡兒寶惠文一首 又曰子
萬有一子名栢 又曰誦冰吾家婦古篆範蟲鳥此衍石給諫詩也見
刻楮集 又曰紉蘭父名培厚字耕瀆官戶部陝西司主事紉蘭母卽
衍石給諫姊也給諫記事稿有李君墓志銘文

天游閣集卷第四畢

溫語樓校字

天游閣集

詩五

太清西林春著

庚子十月七日先夫子服闋因太夫人抱病未果親往謹遣載釗恭詣南
谷痛成六絕句

死者已成天上果生人空向世間忙兒婚女嫁何時畢博得愁心各自傷
忽忽光陰同逝水昏昏大夢幾時醒年來辛苦從誰說始信沈憂損性靈
九泉能否念慈親老病思兒倍慘神雖有諸孫終不及承歡難慰暮年人
思量到此不勝悲況是高堂病已危二載憂心惟有淚龐姑苦志更誰知
紙錢一陌遣兒燒貼貼心旌痛自搖哭對遺容頻禱告靈魂可否許儂招
馬踏崇山犯曉霜寒雲深處翼椒漿願君暗裏須加護第一毋忘翰墨香

十一月四日夢中題王綦畫戲魚圖

渺渺波紋細絲絲風暗飄滋生各有術春水長魚苗

冬日季瑛招飲綠淨山房賞菊是日有雲林雲姜湘佩佩吉諸姊妹在座
奈予爲城門所阻未得盡歡歸來卽次湘佩韻

神仙洞府遠塵寰小坐瑤池姊妹環既可留花藏煖室何須結屋必深山
寒香有意催佳句銀燭無緣照醉顏自愧題詩輸沈約吟成七步竟消閑
鈍宦曰季瑛姓余許青士光卿乃劍之妻也綠淨山房者青士讀書之
處

靜坐偶成

一番磨鍊一重關悟到無生心自閒探得真源何所論繁枝亂葉盡須刪

上定郡王筠鄰主人兼次原韻

文彩風流迴出塵，生花妙筆見天真。動勳金殿千官長，首領銀潢一派

親時主人現任御前大臣宗令

爲善著書多訓詁，高山流水自清新。筠鄰主人善鼓琴頌來珠

玉閒中讀詩味醑于酒味醑

四十年來閱世塵，勞生何日得歸真。敢辭兒女爲身累，只有詩書是所親。聖道傳家惟以孝，湯銘取法日當新。至言七字難忘卻，澹泊生涯滋味醑。

用來詩句

鈍宦曰定郡王名載銓，後追封親王。諡曰敏，所著有行有恆堂詩。

雨中過含芳園謁筠鄰主人

春雨散如絲，羣芳恰及時。水光溶碧沼，山色印書帷。濶論何瀟灑，高風曠

令儀愧無知已報酬德只餘詩

清明由金頂山往南谷路過姚少師塔馬上口占三絕句

極目青青麥隴長獨庵廢塔據中央軍功道果皆無益
賸有殘碑臥夕陽拂面東風了不寒可憐官地變民田
錐心一語和尚作平誤千古應輸阿姊賢

殘忍慈悲特兩歧如來可許衍宗支協謀博得君王寵
慚愧緇衣換少師三月二十四日送釗兒往完縣查勘地畝
以此示之

從未離娘十七年出門正是暮春天飽看山水多加飯
乍歷程途要早眠騎射莫教閒裏廢文章最好客中研
休貪風景歸來晚難慰予心望眼穿
三月光陰五更風雨多病懷人殊覺無聊恰值知微弟
過訪細論篆法可

五兒載釗今年有事往完縣見糧店中有石缸蓋問其值乃二百五十文遂以茶葉五斤易之主人靳某歡然相贈載歸獻予其石徑過古尺二尺六寸澹青色上有墨色松影排比者偃蓋者垂枝者橫斜濃澹遠近分明黛色參天蒼皮溜雨歷歷如畫大有王叔明曹雲西筆法錫名曰萬松涵月鐫於其上卽命工人斲木以爲架遂作此歌

青天皓月懸明珠中涵松影千萬株森森林立無邊隅幽陰如聞天籟呼濃皴淡染誰所濡羴枝密葉參天鋪其實滑膩美且都文登大理人所諛貴來方與凡石殊天開畫本應難模微雲一抹如有無遠山掩映疑蓬壺其中應結仙人廬世間日月自征徂惟此松能常不枯可謂壽矣天地俱兒之所好能不愚旣包載歸以獻吾自勺清泉滌泥塗天生靈物豈容汙

斷木爲架覆以樨相對不忍離須臾恨不將身入畫圖片石珍重抵瓊瑜
題李太夫人小照

四年前識夫人面今向圖中得見之翰苑有香聯桂樹華堂多喜進瑤卮
花翎特獎書生貴

時雲勛從征粵東
花翎授湖北鄖陽知府賞戴

雲誥先揚阿母慈聞道樓船

又南去居民翹首仰光儀

辛丑七夕先夫子下世三週年矣率六女載通七女載道八兒載初恭謁

南谷因五兒載釗有差未克同來晨起同通兒清風閣看初日有感

侵曉山樓望日華遠村尙不見人家朝雲變化多無定秋水汪洋自有涯

深草露滋蟲語細長林風度鳥聲譁當年舊句難忘卻

丙申春同先夫子
清風閣晚望有高

閑延朝日晨妝
劉遠山之句可也靈魂憶我耶

鈍宦曰太清是年四十三歲

初八日山中食千歲羹

即千歲穀葉

山中富草木秋風熟瓜豆晨起敞樓窗微涼動襟袖老嫗遺村童饋我綠雲茂此味雖未達食之頗不陋問及此何名含笑去而復娘云千歲穀和羹可延壽

初九日清風閣望釗兒

兒生於乙酉七月初九日

老眼凭高看不清忽聞林際馬嘶聲今朝馳馬登山者十七年前此日生初十日率釗初兩兒游丁家窪訪瀑水巖馬上口占

野花如錦不知名禾黍離離夾道生盛世郊原無隙地豐年肥瘠盡收成一灘亂石含靈氣千古飛泉蘊水精探勝又興今昔感西風歸路馬蹄輕

潛真洞

傳有真人乘鶴去空餘老杏手親栽至今深洞懸鍾乳終古陰崖長碧苔
大道無爲且游戲谷神不死或歸來秋風落日仙壇靜湖草巖花到處開
游潛真洞晚歸度梅兒嶺口占

夕陽西下亂山圍縹緲遙村暮靄霏遊興最嫌秋日短馬頭明月照人歸
十八日到家答六女叔文

十二十三偏落雨月明十五漲溪流貪看秋色歸來晚竟作南山十日留
秋窗聽雨

風雨幽窗病不支寒蟬聽到夜深時新來瘦比當初瘦燈影腰圍是所知
病裏三秋輕過了無聊終日枕書眠東籬消息從誰問辜負黃花又一年

辛丑十二月十八日釗兒娶婦喜而有感

錦堂春色繡芙蓉彩結宮燈瑞靄濃吉事有祥兒娶婦門闌多喜婿乘龍

二女孟文適趙勇親王車登巴咱爾四女仲文適一等子博昌六女叔文許字承恩公崇端代君善後司婚嫁愧我無

能病懶慵惟願九泉加護佑螽斯從此衍華宗

壬寅元日試筆

五日春風暖漸催

辛丑臘月廿五立春

東南風起彩雲開

每年元日欽天監奏風從巽地起

嬌兒公

服輝金縷

國朝定制王公子第十八歲行冠禮釗兒生於乙酉本年元日受二品頂帶

新婦斑衣獻壽杯階下

簾龍延綠竹枝頭結子望紅梅心香一瓣虔心禱早願含飴弄小孩

鈍宦曰太清是年四十四歲

清明蘆溝道上書所見

清明有事往西山略暖猶寒二月天老特曳犁殊費力饑鳥啄粒最堪憐
愚民未必知藏火野燒何曾肯禁煙抱甕工夫雖自得尙須機械利芳田
上已訪棟鄂武莊留予小酌徧游邸中園亭且約初十日過予天游閣看

海棠歸來賦此

武莊爲輔國公
群竹軒夫人

好逢上已來朱邸一路安車過

鳳城

邸在
城東北

君有莊周臨水樂

武莊
雅好

養魚我如列子御風行

是日路
上遇風

碧桃花底香塵輭楊柳池邊春草生更約海

棠開日會淨除荒徑待良朋

穀雨日同社諸友集天游閣看海棠庭中花爲風吹損祇妙香室所藏二

盆尙嬌豔怡人遂以爲題各賦七言四絕句

無賴東風近日吹恐教辜負看花期瓦盆留得春長在爲惜芳姿一下帷

幾度春來到海棠怕遭風雨損紅妝玉顏合貯黃金屋慢道無香卻有香
醉態愁愁秀可餐爲留花久築花壇移燈細認橫陳影不解藏花怪阿瞞
惜花偏是怕花開誰許封姨惡翦裁移向雲窗人莫識何勞更築避風臺
暮春閒吟將得四句值秀塘媳叔文以文兩女姑嫂學詩倩予代寫遂足

成此律

好景已過穀雨後花隨風落柳風梳憂愁暫借詩消遣煩惱難將酒破除
人到忘機馴鳥雀胸無實學愧蟲魚嬌兒不識余心苦刻劃偏旁索代書
次棟鄂少如親母韻

醉裏吟詩詩思繁月明風度落花輕人歸春社殘燈暗座有餘香宿酒醒
妙論多君情最雅佳章示我句尤清薛濤箋上分明寫真個敲金戛玉聲

鈍宦曰少如是秀塘母也

贈益園星槎兩姻姪

可畏後生真不錯花箋妙句喜頒來既看老鳳知雛鳳玉樹堪稱翰苑才
惜花詞

小園日日愁東風百花狼藉飛橫縱海棠嬌泣牆之東認取香霧霏濛濛
誰解惜花拾落紅憐花有淚光融融柳酣花暝人意慵傷春藥付誰爲春
愁耶病耶三月中空勞明月掛圓穹春歸何處欲相從忍使坐看芳林空
終日昏昏睡思濃一春辜負看花瞳

題冬閨刺繡圖

斜插寒梅壓鳳釵停鍼不語意徘徊誰家姊妹深閨裏一瓣猩紅刺繡鞋

倒次湘佩韻

近日慵慵懶畫眉曉窗欣誦故人詩園花零落東風老況是愁人抱病時
誤人最是筆頭花樂事無多恨轉賒不及空山無所識放歌隨意傲煙霞
賦得曲則全

至道須從曲虛心得聖傳不因謙受益未必缺能全有守難攻破無閒豈
易穿壺中包萬象世外看廻旋新者方除敝虧兮漸可圓若能知緩急何
待佩韋弦抱一規前轍矜多閉後緣自明誰肯教學也竟徒然

立夏日次仲兄韻

萬紫千紅返化城小園雨後氣尤清閒將玉局消長晝楊柳風傳子落聲
春歸夏至時何速銷盡花魂與柳魂寂寞空庭人意懶海棠陰裏閉重門

一簾晴雪舞楊花怪煞麼也自誇生怕游踪留不住浪隨風勢到天涯
送春倒次仲兄韻

東風不管落花飛花到殘時杜宇稀我欲將身隨蝶去誰能挽力與天違
斷腸今夜憐紅瘦觸目連朝怪綠肥幾度思量難解釋一盃香茗饒春歸
雨窗春曉

幽窗聽盡連宵雨曉戀重衾慵不起花稍竹葉弄微風強向妝臺慢梳理
遙聞深巷賣花聲一聲聲唱何清美花光草色伴人閒願得浮生長對此
燕子曲用溫飛卿韻

往來燕熟花間道銜得新泥帶香草軟語商量何處栖暗窺藻井低相報
乍舒玉翦倚風翻輕試烏衣臨水掃落花門巷日遲遲一生受用花間老

落花

亂撒輕紅點碧苔
開開落落爲誰來
三春消息勞蜂使
幾度摧殘怨蝶媒
好夢不離芳草渡
暗香猶戀避風臺
非關薄倖留遺憾
結子成陰莫慢猜
搖落羣芳尙嫩寒
東風吹過小闌干
豈因隨便成花陣
似有勾留任蝶團
擬畫眞容藏秘閣
難將嬌詔約春官
尋常桃李原無論
且賦天香寫佩蘭

次筠鄰主人臨池卽事韻

修篁得意兩三竿
嫩籜纔抽粉未殘
日轉花稍移綺牖
風搖柳纔拂朱欄
數聲啼鳥人初醒
幾縷流雲雨後看
寄語臨池垂釣者
詩情酒興不須闌

筠鄰主人見贈野菊翠蝴蝶二種詩以致謝

北海傳來野菊花
消煩清味勝於茶
更招蝴蝶浮輕翠
點綴幽窗處士家

城南看芍藥晚過尺五莊有感用落花詩韻

十里香塵碾綠苔尋芳約伴喜同來
烟籠芍藥邀詞客水滿池塘薦月媒
大白何妨浮野店好花未必祇豐臺
露荷開日應重到醉把冰姿子細猜
虛亭芳草怯微寒夾道文無雜射干
燕子斜穿風絮亂魚苗輕咬水紋圍
看來樹色應憐我聽徹蛙聲豈爲官
廣厦半傾成廢地露華空自浥叢蘭
夏日聽道初兩兒讀書

翛然花木蔭茅菴一炷爐煙經半函
閒向窗前課兒女微風晴日誦周南
過訪少如座中忽值雷電交作雨
雹橫飛聞朝陽城樓竟爲雷火所燬
便道往觀歸來賦此記之時壬寅夏
四月二十二日也

歲次壬寅夏維首庚子日斜風似吼
是時亢旱已愆期觸熱來訪金闈友

新詞妙句共相論消煩更酌尊中酒俄然墨雲挾雨飛奇峯亂掣金蛇走
一聲霹靂震階庭七箸翻盤盃落手旋驚老嫗報倉皇神龍搜物傳萬口
朝陽城樓勢嵯峨中藏靈寶天公取我聞此語心咄嗟辭歸不畏泥塗厚
沿途仰視光燭天濃煙烈燄冲牛斗聚觀擁道如堵牆云云默默互前後
細思此事何休祥雷師母乃職其咎盍效昆陽助戰爭一爲吾皇擊羣

醜

時浙東
方用兵

夏日雨窗偶成

遲遲晝漏日何長手倦拋書傍隱囊啼鳥數聲人語靜一簾微雨棗花香
棗花香裏睡相宜怕弄冰絃懶賦詩最是惱人楊柳樹與誰爭鬪瘦腰肢
腰肢瘦盡帶圍寬芒屨時猶怯嫩寒心地無多愁不少故教閒却小闌干

闌干難護是愁城心病渾如酒未醒暫借清茶消肺渴晚風斜颺淡煙輕
悼含芳園姬人某氏

罡風多事妬花開頓使嬌紅委綠苔應有餘香留畫閣更勞幽夢到泉臺
少翁何術招能返蓬島無方覓再來最是夜深疎月影樹陰空傍小闌隈
鈍宣曰此定敏親王姬人也

戲答蘇姬

老嫗從容含笑道苔階路滑向須扶愛人若輩應如此畢竟今吾非故吾
鈍宣曰太清僅名段八婢名石榴與此姬皆附驥傳矣

端陽前一日往海淀探孟文病車中口占

夏日驅車趁曉行羅衣消受好風清一條官路朝初散五月新蟬耳乍鳴

麥浪翻翻猶秀穗

壬寅五月十四日
是時麥穗尚未全黃

楊花點點已浮萍
遠山淺黛如含

笑爽氣朝酣宿雨晴

棗樹

西院階前多棗樹
荔牆掩映綠煙遮
高枝已結垂垂實
低處猶開瑣瑣花
鳳子趁晴朝曬粉
蜂兒抱蕊午開衙
晚來又見雲陰合
準擬今宵雨勢加
雨中偶檢清秘閣
集用苦雨韻

人言夏潦最宜禾

諺曰六月連陰
喫飽飯

電閃金龍雷震鬣
野卉短叢紛落瓣
瓦盆

積水小生波將雛燕乍添新壘
釀蜜蜂頻補舊窠
盡日忘機觀物化
時鏗小句學陰何

天游閣集卷第五畢

溫語樓校字

天游閣集

詩補

太清西林春著

鈍宣曰余錄天游閣集竟復從國朝閨秀正始集得其詩六首皆集中所無者不知編集時手自刪去抑在原闕之第四卷中耶臨桂況變笙舍人周儀曾云在京師地攤買得此集變笙頃流寓江南無從借勘正始集小傳稱太清字子春有子春集其集名亦與此異

送居士游盤山

欲訪招提境巉巖緩著鞭野花藏細路亂石出新泉鳥自雲中下僧從谷口還晚來禪院宿應遇贊公賢

鈍宣曰太素號幻園居士

和居士雨後過南院韻

霖霖雨蹤止，崢嶸雲勢奇。
好風吹細麥，落日在疏籬。
遠寺暮鐘動，深林棲鳥遲。
清歌一長嘯，獨立欲何之。

秋夜

開窗對明月，歛膝撫幽琴。
蟲語三更促，西風一夜深。
寒蟬咽清露，老樹抱秋心。
會得冷然趣，高懷託古音。

題王蒙關山蕭寺畫

霜氣淨林陬，寒鴉集戍樓。
江關楓樹老，歲月畫屏秋。
返照見蕭寺，亂山生暮愁。
河間題句好，珍重墨林收。

題陳松濤女史畫

江南江北章如煙涼在微青澹墨邊三十六陂春水潤柳花飛滿釣魚船
吳江秋色上漁船罾網初收夕照邊一片楓林穿落日最深紅處起秋煙

蘭雲菱寢樓筆記一則

況周頤 蕤笙

發閱某詞話云 本朝鐵嶺人詞男中成容若女中太清春直闕北宋堂
與太清春天游閣詩寫本歲己丑余得於廠肆地攤詞名東海漁歌求之
十年不可得僅從沈善寶錢塘人武陵雪齋詞閨秀詞話中得見五闕錄其四
如左憶與半唐同官京師時以不得漁樵二歌爲恨事朱希真樵歌及東
海漁歌也余出都後半唐竟得樵歌付梓而漁歌至今杳然就令它日得
之安能起半唐與共賞會耶此余所爲有椎琴之痛也

浪淘沙

春日同夫子慈溪紀遊

西林太清春

花木自成蹊春與人宜清流荇藻蕩參差小鳥避人棲不定撲亂楊枝
歸騎踏香泥山影沈西鴛鴦沖破碧煙飛三十六雙花樣好同浴清溪

南柯子 山行

絺綌生涼意肩輿緩緩游連林梨棗綴枝頭幾處背陰籬落挂牽牛遠
岫雲初歛斜陽雨乍收牧踪樵徑細尋求昨夜驟添溪水繞邨流

早春怨 春夜

楊柳風斜黃昏人靜睡穩棲鴉短燭燒殘長更坐盡小篆添些 紅塵不
閉窗紗被一縷春痕暗遮澹澹輕煙溶溶院落月在梨花

惜分釵 詠空沖

春將至姓天氣消閒坐看兒童戲借天風鼓其中結綵爲繩截竹爲筒空
空 人閒事觀愚智大都製器存深意理無窮事無終實則能鳴虛則能

容沖沖